

اِسْتِغْنَا

نومرو ۱۶

بجانبہ

۱ کانون ثانی ۱۳۲۴

فلسفه حقوق جزائیه

۳

قوانین جزائیه‌نک، و حق مجازاتک منافع عمومیہ اساسنہ اعتقاد ایلمدیکی
 بکن مقاله مزده [*] ادله و براہین لازمہ سبلہ ایضاح و اثبات ایدلمش ایدی .

حق مجازاتک ، مدافعه مشروعه حقک بسیط بر صورت تطبیقندن ؛
 یاخود حقوق شخصیه‌نک ، دیگر بعض منافع مقابلنده ترکی جائز اولان حقک
 هیئت اجتماعیہ ترک و تودیعندن عبارت بر حق اولدینی درمیان ایدیلہ بیلیرمی ؟
 بنتان « Benthan » نظریہ سنہ الکزیاده تماس ایدن شو سواللر مقاله مزک موضوعی
 تشکیل ایدہ جکدر . فی الحقیقه اول امرده شوراسی اعتراف ایدلملیدرکہ « حق مدافعه »
 طرفدارانی منافع عمومیہ طرفدارانہ نسبتله حقیقته دها زیاده یقین بر مسلک
 تعقیب ایتیمکده درلر . زیرا بعض احوالده یکدیگریمزہ قارشی غایت شدید ، بمعضاده
 یکدیگریمزک حیاتی افنا ایدہ جک حالته سوق و مجبور ایدن مدافعه مشروعه حق
 غیر قابل رد و انکار حقائق بدیهیه و حقوق طبیعیہ دندر . منافع عمومیہ اساسنک
 ایسه بو اشکالی حائز اولدینی ظاهر در . فقط مدافعه مشروعه حقی تمامیلہ حق
 مجازاته ، عدالت محضیه اساس کافی اولہ ماز . مدافعه مشروعه یه ، ظاهر و مرئی
 بر متجاوز طرفندن وقوعه کتیریلان بر تجاوز ، مقدماتی تهیته و احضار ایدلمش
 و همان تشبث ایدلمک اوزره بولنش بر تجاوزہ مقاومتدن باشقه بر صورت ،
 باشقه بر شکل ویرمک دشواردر . مدافعه مشروعه ، قوته قارشی ابراز قوت
 ایدلمک ، ختام بولمامش بر تشبث تجاوزکارانہ نک اسباب مادیہ مانعه استعمالیلہ
 منع وقوعه چالیشمق صورتلریله افاده ایدیلہ بیلیر . حال بوک ، قوانین جزائیه
 و بو قوانینک کیفیت تطبیقنه مأمور محاکم عدلیہ قابل اثبات بر جرمک غیر مسلح
 و تحت موقوفیتده بولنان و یاخود بالعکس غیر موقوف و حال فرارده اولان فاعلی
 تجریم و محکوم ایدر . دیمک اولیورکہ عدالتک تطبیقی ایچون بھمه حال فاعل جرمک

بر فنانی ابقاعنه . مقتدر اوله میاجق بر حالده بولنسی ایجاب ایده جکی تحقق
ایدیور . دیگر طرفدن حق مدافعه مجادله نك صورت جریانیله ، درجه شدیله
بعضاً متناسب اولمیه رق استعمال ایدیلر و متجسوزك ايقاع ایلنك ایستدیکی
جرمدن فضله بر صورتده فاعلك تجریم ایدلسنه سبیت ویریلور . فقط قوانین
جزائیه هیچ زمان جرم ایله متناسب بولنمیان جزا ایله مجرمی تجریم و محکوم ایتمز .
قوانین جزائیه مجرم لرك احوالی ، اخلاقی تهذیب و اصلاحه مدار اولدینی کی
جرمك وقوعیله افراد بشره طاری اولان خوف و دهشقه ده تسکین وازاله
خادم و انظار عبرت و انباهی جالدر . حتی قوانین بشریه محارب ایکی قومدن
برینك اعلاسی دکل بالعکس طرفیندن برینی حرب و ضرر ايقاع ایده میه جك
بر حاله قویق جهتی ترجیح ایتمکده در . بناء علیه مسرودات آنفیه نظراً
لینینج « Leibnitz » ك بو باده درمیان ایلدیکی مطالعات پك مصیب و محقدر .
فی الحقیقه حقوقدن محروم ایدلمش ، ابراز مقاومتدن عاجز بولنش بر دشمن ایله
نه حرب ایدیلر ، نه ده اکا قارشو حق مدافعه استعمال ایدیله بیلر . بعضیلری
فردك استعمال ایلدیکی حق مدافعه ایله جمعیت بشریه یدینه ترك ایدیلن حق
مدافعه آراسنده بر فرق کوره ك قوانین جزائیه نك اساسی حق مدافعه اساسه
استناد ایتدیرمك عزمنده بولورلر و جمعیت بشریه نك یدینه ترك و تودیع ایدیلن
حق مدافعه بی ایسه حیات و موجودیت بشریه بی تهلكیه القایدنلره قارشو
کمال شدتله اجرا و استعمال ایدیلر برحق عد ایدرلر . جمعیت بشریه نك باشلیجه
وظیفه سی تشبثات جنائیه نك موقع فعله ظهورینی منع ایتنك اولدینی جهته
بو باده بعض تدابیر احتیاطکارانه وضعنه مجبور اولسی پك طبیعی در . بو کی
تدابیر احتیاطکارانه یه مراجعتله جرمك وقوعنده فاعلك جریمیه متناسب نه قدر
ایم جزالره گرفتار اوله جغنی جمعیت بشریه نك احساس ایتسی و بو صورتله
افراد عبرت بخش اولسی موافق نفس الامر در فقط تهدیدك مؤثر اولسی
و عمومك منافی نقطه نظرندن نتیجه مطلوبه بی اعطا ایلنسی انجق بونك بر شکل
اجرا اکتساب ایله بیلنسی ایله قابلدر . حق مدافعه اولجه وقوعه کتیریان

بر تهدیدك موقع فعله ایصالی دیمك دكدر زیرا بعض كره بك بیوك برحقسزلق اوله بیلیر. مدافعه مشروعه احراز غالییدن صوكره استعمال قوت وشدت دیمك اولیوب مجادله نك حین دوامنده ابراز ایدیلن قوت دیمكدر. بو باده کی حق وصلاحیت تجاوز و تعرضك دوام ایلدیکی زمانه منحصردر. تجاوزك انقضاسندن صوكره حق مدافعه جمعیت بشریه به انتقال ایدر. نته کم قوانین جزاییه جرائم خفیفه ایچون مجازات شدیدیه وضع ایتماشدر بالعکس تهدیداتك یعنی مجازاتك جرائمك درجه و خاقتی ایله متناسب اولسی جهتی نظر اعتباره ایشدر. تهدیدی حق مدافعه نك بر شکل مخصوصی فرض ایدر ك او یوله نظر اعتباره ایشدی استیلیرسه ایشو تهدیدك اولجه عموم طرفندن معلوم بولندیغنی فرض و تخمین ایلمك ضروریدر.

قوانین جزاییه نك كافة موادی عموم خلق نظرند، حضور محاکمه جلب ایدیلنلرجه طائمش اولسی ایجاب ایدر. فرانسه ده بوندن خیلی سنه اول هیئت هیئت عدول و محکمه جه قاتلکی رهین مرتبه ثبوت اولان بر شخصك اعدام جزاییله محکومیتنه قرار ویرلدیکنك کندیسنه تفهیم ایدلسی اوزرینه «بن اعدام جزانك قالدیرلش اولدیغنی بیلوردم» سوزلرینی آجی آجی استهزا ایله هیئت حاکمه به فرلاتمشدی. استطراداً شوراسنی علاوه ایدهیمكه اعدام جزانك الفا وعدم الغاسی فکرند بولسان ایکی بیوك فرقه موجوددر آوروپا حکما سندن بعضیلری اعدام جزانك عصر مدنیته وافکار انسانییه مغایرتی ادله لازمه سیله ایضاح ایلمشدر. مدیتك ترقیات حاضره سیله نسبت قبول ایتمز بر حالده ترقی ایدن مدنی و حشیلر حقنده اعدام جزانك دوام تطبیقنه فرانسه پارلمنتوسنك قرار ویرمش اولدیغنی اخیراً وارد اولان اخبار تلغرافیه دن اكلاشلمشدر بویشت مهم حقنده دور و دراز بسط مطالعاته مقاله مز مساعد بولندیغنی جهتله بالاخره بوکا دایر اولان مطالعاتی عرض ایلرلر صده ارجاع نظر ایلیهیم: لوق Locque نظریه سنه کوره شخصك جزائی تحفیف ایتك ایجاب ایده جك زیرا جزانك شدتنه واقف اولسیدی بلکه ده مجرم اولمزدی. بومسلك اربانجه مجرم ایله معصوم

آراسنده هیچ بر فرق کوریلیمور . قوانین جزاییه ده مندرج مجازاتک مجرم
کبی کوزوکن بر شخصه تطبیق ایله افراد سائر بشریه به اظهار عبرت ایدلمسی
کافی عد و اعتبار اولنیور و بوصورتله اجرای تهدید ایله تأمین عدالت ایدیلیور
و معصومیت و مجرمیت مسأله سی نظراعتباره آئینه جفته کوره دائماً محکومیت جهتنه
کیدله رک جمعیت بشریه نیک مدافعه سنه خدمت ایدلمش ظنی ده تولد ایدیور .
اون سکزنچی عصر مؤلفلری طرفندن علی العمیا قبول ایدیلن اشبو نظریه اک
زیاده « لوق » نزدنده مظهر رغبت اولمشدر ، هر نه قدر ژان ژاق روصو
Jean Jacques Rousseau ده بونظریه ، طرفدار بولنش ایسه ده بطلانی ثابت
اولدینی جهتنه بوخصوصه ده ایلری کیده مامشدر . حق مجازاتک منافع
عمومیه اساسه مستند اولدینی کبی مدافعه مشروعه اساسنده استناد ایلمدیکی
کلفه اثباتدن وارسته بر کیفیت بولندینی ظاهر و آشکاردر . مقاله آیه مزده
مجرمک برنوع خسته اولدینی فکرکنده بولنان دوقور غالک « Docteur Gall »
بویابده کی نظریاتی موضوع بحث ایده جکزر .

سعاد مختار

هوسکاران دیپلوماسی به

بوسر لوحه التنده محترم قارئلر مزک انظار مطالعه سنه وضع ایده کلدیکم
مقاله لک مقداری بونکله درده بالغ اولیور . او یله ایکن اساساً مسلک دیپلوماسی به
عاند ملاحظاته هنوز کیریشله مدی . نیم بومقاله نی بووادی به بر مقدمه یاتقی ایدی ،
فقط مقالات سالفه نیک هیچ بردکری اولدینی حالد اوروپا به کیتیمک فکر نیتنده
بولنان کنجیلر نزدنده مظهر اولدینی حسن قبول نی بوکونده بعض ایضاحات
عمومیه اعطاسنه سوق ایدیور :

بوکونه قدر جمعیتلرده ، ضیافتلرده بالورده قلوبلرده طولاشدق . آرتق
اوروپا آداب و عاداتنه آرزوق وافقز . بووقوف اوروپا عالم لریزک صفحات
سائر سنده ده بزه رهبرک ایده بیلور . هله او یاق و مدقق بر ذات مبحثلر مزده